

SOS**অতি সংক্ষিপ্ত প্রশ্নোত্তর :**

*** ১। ঠিকাদারের প্রাক যোগ্যতা বলতে কী বুঝায়?

বাকশিবো - ২০১৪, ১৫'পরি, ১৬, ১৭, ১৮

উত্তর : দরপত্র আহ্বানের পূর্বে, নির্ধারিত যে কাজের জন্য ঠিকাদার নিয়োগ করা হবে উক্ত বিষয়ে তার কারিগরি দক্ষতা, অভিজ্ঞতা ও আর্থিক সক্ষমতা যাচাই করার প্রক্রিয়া। পূর্বে উক্ত কাজ ঠিকাদার সফলভাবে করতে সক্ষম হলে তাকে ঠিকাদারের প্রাক যোগ্যতা বলে।

*** ২। ঠিকাদারের পূর্ব যোগ্যতার মাপকাঠি কী? বাকশিবো - ২০১৫'পরি, ১৬, ১৭

উত্তর : ঠিকাদারের পূর্ব যোগ্যতার মাপকাঠি হলো কাজের অভিজ্ঞতা, আর্থিক সামর্থ্য, প্রযুক্তিগত দক্ষতা, পূর্ববর্তী কাজের রেকর্ড (কোন মামলায় দোষী সাব্যস্ত কিনা), প্রয়োজনীয় কাগজপত্র (ট্রেড লাইসেন্স, টিআইএন, ভ্যাট নিবন্ধন, ব্যাংক স্বচ্ছলতার সনদ) যা পাবলিক প্রকিউরমেন্ট রুলস ২০০৮ (বিধি ৪১) এবং অন্যান্য আইন অনুযায়ী নির্ধারিত হয় যাতে তারা কাজটি সঠিকভাবে সম্পন্ন করতে পারে।

SOS

সংক্ষিপ্ত প্রশ্নোত্তর :

*** ১। ঠিকাদারের পূর্বযোগ্যতা নির্ধারণের উদ্দেশ্যগুলো লেখ।

বাকাশিবো - ১৮, ২০, ২০'পরি, ২২, ২৬, ২৬'পরি, ২৮'পরি

অথবা, পূর্বযোগ্যতা দলিলের বৈশিষ্ট্যসমূহ লেখ।

উত্তর : ঠিকাদারের পূর্বযোগ্যতা নির্ধারণের উদ্দেশ্যগুলো নিম্নরূপ :-

- ১) নির্মাণ কার্য
- ২) রক্ষণাবেক্ষণ কার্য
- ৩) প্ল্যান্ট ও যন্ত্রপাতি সরবরাহ ও স্থাপন
- ৪) কোনো স্থাপনার নকশা তৈরি ও অবকাঠামো নির্মাণ কার্য
- ৫) নির্দিষ্ট নকশা ও ম্যাপে যন্ত্রপাতি তৈরি
- ৬) ব্যবস্থাপনা চুক্তি

SOS

রচনামূলক প্রশ্নোত্তর :

*** ১। ঠিকাদার কর্তৃক দাখিলকৃত পূর্বযোগ্যতা আবেদনের মূল্যায়ন পদ্ধতি বর্ণনা কর।

বাকাশিবো - ১৮, ১৯'পরি, ২০, ২১

উত্তর : ঠিকাদার কর্তৃক দাখিলকৃত পূর্বযোগ্যতা আবেদনের মূল্যায়ন পদ্ধতি নিম্নরূপ :-

- ১) আবেদন গ্রহণ ও নথি যাচাই : প্রথমে নির্ধারিত সময়ের মধ্যে প্রাপ্ত আবেদনসমূহ গ্রহণ করা এবং প্রয়োজনীয় নথিগুলো যাচাই করা। সকল কাগজপত্র সঠিকভাবে সংযুক্ত আছে কিনা তা যাচাই করা হয়।

- ২) আইনগত ও প্রশাসনিক যোগ্যতা যাচাই : ঠিকাদারের ট্রেড লাইসেন্স, টিআইএন, ভ্যাট রেজিস্ট্রেশন, ঠিকাদারি লাইসেন্স, হালনাগাদ ব্যাংক সনদ ইত্যাদি বৈধ ও কার্যকর আছে কিনা।
- ৩) আর্থিক সক্ষমতা মূল্যায়ন : ঠিকাদারের আর্থিক অবস্থার যাচাই করা হয়। যেমন:- বার্ষিক টার্নওভার, ব্যাংক সলভেন্সি, অডিট রিপোর্ট ইত্যাদি।
- ৪) কারিগরি দক্ষতা ও অভিজ্ঞতা মূল্যায়ন : পূর্বে সম্পন্নকৃত অনুরূপ প্রকল্পের অভিজ্ঞতা, কাজের ধরন, প্রকল্পের পরিমাণ ও জটিলতা যাচাই করা।
- ৫) জনবল ও যন্ত্রপাতির সক্ষমতা : ঠিকাদারের অধীনে কর্মরত টেকনিশিয়ান, দক্ষ শ্রমিক এবং প্রয়োজনীয় নির্মাণ যন্ত্রপাতি ও সরঞ্জামের প্রাপ্যতা মূল্যায়ন করা।
- ৬) চলমান ও পূর্ববর্তী কাজের রেকর্ড পর্যালোচনা : চলমান কাজের সংখ্যা, অগ্রগতি, পূর্ববর্তী কাজে বিলম্ব বা চুক্তিভঙ্গের রেকর্ড আছে কিনা তা পর্যালোচনা করা।
- ৭) মূল্যায়ন স্কোরিং ও তুলনামূলক বিশ্লেষণ : নির্ধারিত মানদণ্ড অনুযায়ী প্রতিটি ঠিকাদারকে নম্বর প্রদান করে তুলনামূলক বিশ্লেষণ করা হয়।
- ৮) যোগ্য ও অযোগ্য তালিকা প্রস্তুত : যারা নির্ধারিত নূন্যতম মান পূরণ করে তাদেরকে পূর্বযোগ্য ঘোষণা করা হয় এবং তাদেরকে দরপত্র আহবানে অংশগ্রহণের সুযোগ দেওয়া হয়।